



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka (“Službeni glasnik BiH” broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka (“Službeni glasnik BiH” broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU POLITIČKE ORGANIZACIJE GRAĐANA U BIH „NAŠA STRANKA“

Broj: 03-07-6-413/12
Sarajevo, 16. novembar 2012. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1. NALAZI.....	6
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije građana u BiH „Naša stranka“ za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost koja bi se dobila izvršenom revizijom u prostorijama stranke.

Na osnovu obavljenog pregleda godišnjeg finansijskog izvještaja, utvrđeno je da je Politička organizacija građana u BiH „Naša stranka“ prekršila odredbe člana 8. stav (1) Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije građana u BiH „Naša stranka“ za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka (“Službeni glasnik BiH” broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH” broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Politička organizacija građana u BiH „Naša stranka“ ostvarila je ukupan prihod u iznosu od 330.021,83 KM, što je prikazano u narednoj tabeli¹:

Red. br.	Vrsta prihoda	Iznos u KM	Učešće u Uk.prih. %
1	Članarina	13.570,23	4,11%
2	Prilozi fizičkih lica	1.400,00	0,42%
3	Prilozi pravnih lica	340,00	0,10%
4	Prihodi od imovine	37,03	0,01%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	314.674,57	95,36%
	Ukupni prihodi:	330.021,83	100,00%

U godišnjem finansijskom izvještaju politička stranka je iskazala ukupne rashode u iznosu od 168.366,43 KM².

2. PREDSTAVLJANJE POLITIČKE STRANKE

Naziv političke stranke: Politička organizacija građana u BiH „Naša stranka“. Skraćeni naziv je Naša stranka.

Politička organizacija građana u BiH „Naša stranka“ registrovana je 21.04.2008. godine kod Općinskog suda u Sarajevu i u sudski registar upisana je pod brojem: 065-O-Reg-08-001257.

Sjedište političke stranke je u Sarajevu, Ulica Jezero broj 8.

¹ Podaci su preuzeti iz godišnjeg finansijskog izvještaja za 2011. godinu u kome je Naša stranka, u skladu sa odredbom iz člana 13. stav (3) Zakona o finansiranju političkih stranaka, dobrovoljno otklonila nedostatke koji su bili otklonjivi, odnosno izvršila dopunu izvještaja, te ga dostavila Centralnoj izbornoj komisiji BiH 24.09.2012. godine.

Finansijski izvještaj koji je politička stranka, podnijela u roku, propisanom u članu 11. stav (3) Zakona o finansiranju političkih stranaka, odnosno 29.03.2012. godine, uglavnom je sadržavao podatke o prihodima i rashodima glavnog ureda Naše stranke.

² Podaci o rashodima Naše stranke preuzeti su iz korigovanog finansijskog izvještaja koji je stranka podnijela Centralnoj izbornoj komisiji BiH 24.09.2012. godine.

Lica ovlaštena za zastupanje političke stranke su Dennis Gratz, predsjednik stranke i Radojka Sukara, generalni sekretar.

Lice ovlašteno za podnošenje finansijskih izvještaja za 2011. godinu je Radojka Sukara.

Prema podacima iz godišnjeg finansijskog izvještaja za 2011. godinu, organizacionu strukturu Naše stranke čine:

- Glavni ured Naše stranke u Sarajevu,
- Gradski odbor Naše stranke u Mostaru,
- 9 općinskih/opštinskih odbora Naše stranke³ i
- Organizacioni dio Naše stranke u Brčko distriktu BiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Naše stranke za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Naše stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine, priloge fizičkih i pravnih lica i prihode iz budžeta.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja Naše stranke za 2008. i 2010. godinu i revizija godišnjeg finansijskog izvještaja za 2009. godinu, nakon čega su izdati izvještaji o pregledu, odnosno izvještaj o reviziji, sa nalazima revizije i preporukama revizora. Nakon izvršenog pregleda godišnjeg finansijskog izvještaja za 2010. godinu, političkoj stranci je data preporuka da treba postupati u skladu sa odredbama člana 8. stav (1) i (2) i člana 11. stav (1) i (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2011. godinu, utvrđeno je da Naša stranka nije ispoštovala sve preporuke revizije, te da je i u 2011. godini postupila suprotno odredbi člana 8. stav (1) Zakona o finansiranju političkih stranaka.

³ Petnaest općinskih/opštinskih odbora i dva kantonalna odbora (KO Sarajevo i KO Unsko-Sanskog kantona), prestali su funkcionisati nakon 2010. godine.

5. NALAZI I PREPORUKE

5.1. NALAZI

Pregledom godišnjeg finansijskog izvještaja utvrđeno je da je Naša stranka prekršila odredbe člana 8. stav (1) Zakona o finansiranju političkih stranaka, odnosno ostvarila je zabranjene priloge⁴.

Dva organizaciona dijela Naše stranke su za svoj rad u 2011. godini koristila poslovne prostore, koji su u vlasništvu općina, bez plaćanja zakupnine, dok su dva organizaciona dijela stranke koristila poslovne prostore pod povoljnijim uslovima u odnosu na tržišne, odnosno uz plaćanje izrazito niske cijene zakupnine, usljed čega je politička stranka ostvarila zabranjene priloge.

- (1) Glavni ured Naše stranke je na osnovu ugovora o zakupu poslovnih prostorija broj: 04-49-4-34/09, zaključenim dana 19.05.2009. godine sa Općinom Centar Sarajevo, koristio poslovni prostor površine 150 m², po cijeni mjesečne zakupnine od 1,00 KM/m². Odlukom o dodjeli u zakup poslovnih zgrada i prostorija Općine Centar Sarajevo broj: 01-49-1690/09 od 23.06.2009. godine („Službene novine Kantona Sarajevo“, broj 20/09), utvrđen je najniži iznos zakupnine u I zoni Općine Centar u iznosu od 20,00 KM/m². Korištenjem poslovnog prostora tokom 2011. godine, po nižoj cijeni od cijene utvrđene navedenom odlukom, Naša stranka je ostvarila zabranjen prilog od Općine Centar u iznosu od 34.200,00 KM.
- (2) Općinski odbor Naše stranke Ilidža je na osnovu ugovora o zakupu poslovnog prostora broj: 05-23-2116/09, zaključenim dana 07.10.2009. godine sa Općinom Ilidža, koristio poslovni prostor površine 18,30 m² uz obavezu plaćanja zakupnine u iznosu od 10% od početne cijene zakupa, koja iznosi 20,00 KM/m² za extra zonu, u kojoj se nalazi navedeni poslovni prostor. Korištenjem poslovnog prostora u periodu od 01.01.-31.12.2011. godine, po cijeni od 2,00 KM/m² mjesečno, Naša stranka je ostvarila zabranjen prilog od Općine Ilidža u iznosu od 3.952,80 KM.
Pored prava na korištenje poslovnog prostora, zakupnina u iznosu od 2,00 KM/m², je obuhvatila troškove električne energije, vode, centralnog grijanja, naknadu za odvoz smeća i naknadu za redovno održavanje zajedničkih dijelova zgrade i upravljanja zgradom, što je dodatno uvećalo zabranjeni prilog političkoj stranci.
- (3) Općinski odbor Naše stranke Novo Sarajevo je, na osnovu Odluke o dodjeli u zakup poslovnih prostora na kojima pravo raspolaganja ima Općina Novo Sarajevo, broj: 01-23-2679/06 od 18.09.2007. godine - prečišćeni tekst, bez plaćanja zakupnine koristio poslovni prostor površine 16,00 m².
Prema odluci o načinu i visini plaćanja zakupnine poslovnih prostora, na kojima pravo raspolaganja ima Općina Novo Sarajevo („Službene novine Kantona Sarajevo“, broj 29/07) najniža cijena zakupnine za prvu poslovnu zonu u ovoj općini iznosi 12,00 KM/m² mjesečno.

⁴ Državni, entitetski i kantonalni organi, organi Brčko Distrikta BiH, organi općinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke.

Korištenjem poslovnog prostora, bez plaćanja zakupnine, Naša stranka je ostvarila zabranjen prilog od Općine Novo Sarajevo u iznosu od 2.304,00 KM.

(4) Općinski odbor Naše stranke Ilijaš je, na osnovu Odluke o općim i jedinstvenim kriterijima dodjele u zakup poslovnih zgrada i prostorija nad kojima pravo raspolaganja ima Općina Ilijaš, broj: 01-I-02-1190/00 od 17.02.2000. godine („Službene novine Kantona Sarajevo“, broj 2/00), koristio bez naknade poslovni prostor površine 17,50 m² u vlasništvu Općine Ilijaš.

Prema odluci o načinu i visini plaćanja zakupnine poslovnih prostora na području Općine Ilijaš, broj: 01-I-02-189/00 od 17.02.2000. godine („Službene novine Kantona Sarajevo“, broj 2/00), najniži iznos zakupnine u II zoni Općine Ilijaš iznosi 8,00 KM/m².

U skladu sa uslovima iz pomenute odluke, utvrđeno je da je Naša stranka korištenjem poslovnog prostora bez plaćanja zakupnine, ostvarila zabranjen prilog od Općine Ilijaš u iznosu od 1.680,00 KM.

5.2. PREPORUKE

Preporučuje se Našoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da se ne finansira iz izvora koji su političkim strankama zabranjeni članom 8. Zakona o finansiranju političkih stranaka.*

Komentar

Naša stranka se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2011. godinu koji joj je dostavljen 12.10.2012. godine.

Mr. Hasida Gušić, šef Službe za reviziju - revizor